



kat.komp.

17765

I

Mag. St. Dr.

P

nes I.

nnis: Magno Heroi

Ioanni de Lamosio — gratulatio.

1602.

PANEO. et VITAE

Polen. 4^o

№ 1212.

I
M
C
u

Ad

MAGNO HEROI
IOANNI DE ZAMOSCIO, REGNI CANCELLARIO, Generalique exercituum Præfecto, Liuania ex hoste vindicata, Cracouiam venienti,
Gratulatio.

*M. Joannis Clobucii in Academia Cracouien:
Regii Professoris.*



6.

CRACOVIAE,

In Officina Andreae Petricouij. A. D. 1603.

Adm. d. W. Rondo. Dno. Stanislas Batoni. D. C.

MAGNO IHEROI
IOANNI DE ZA
MAGNO REGNI CAN
cellano, Generalis exercitus
et Fidei, et in omni
1776 I
Civitate.

Universitatis

UNIVERSITATIS



JAGIELLONICAE

ORACOVIA

In Officina Andreae Petricovici, A. D. 1603.

Gratulatio.

POLONVM NOMEN VNIVERSVM,
Magne Zamosci, etsi frequentibus alijs,
recenti tamen victoria, toto terrarum or-
be longè clarissimum tibi iusto, pio, victo-
ri, triumphatori, patri patriæ, cum omni
genere lætitiæ, & triumphî: Comitîs centuriatis, do-
mîcilium florentissimi Polonorû Regni, nobilissimam
urbem, ad rationem rei tantæ, tamquæ fæliciter gestæ
reddendam ingredienti, de tua suaq; summa fælicitate
gratulabundum, obuiam est effusum. Omnes vici, lo-
ciq; urbis, cantu, carminibus, hymnis, tibiis perstre-
punt, tecta ignibus collucent, certatim omnis ætas, o-
mnisq; sexus in tuum conspectum ruit, diem aduen-
tus tui consecrat, rem gestam cum admiratione recen-
set, ore concelebrat, te vt optimum pacati toties regni
Architectum, in cœlum vehit, omnia deniq; veræ gra-
tulationis munera, ingenti studio implet. Adeò omni-
um animos, in hoc illustri & magnifico tuo Cracouiam
cum insigni & triumphali pompa aduentu, occupasti;
vt nulli non argumentum de te cogitandi, tua fortia
facta animo voluendi, præclara deniq; in Repub: me-
rita, insigni aliqua pietate remunerâdi, suppeditaueris.
Iuuentus cùm te intuetur, redditos sibi omnes, fama &
litteris celebres, non solùm Polonorum, verùm etiam
reliquarum gentiû duces, existimat. Senatus in te de-
fixus fastos rerum à te gestarû fieri decernit. Rex opti-

mus, cuius auspicijs acta hæc sunt, omnibuste amplissimis præmijs, tantam tuam in se ac Rempub: pietatem remunerari cupiens, statuit cumulandum. Omnes insuper ordines, tantas res per te patriæ, & inclyto huic Regno partas, omni pietatis & studij genere coronant, te vt quædam ex annalium memoria, aut etiam de cœlo diuinum hominem admirantur. Frustra iam inuidus aliquos duces patribus. nostris memorabiles desiderabit, omnium res gestas non æquauisti modò, sed superasti. Cæteri namq; quos fama tenet, vel Scythis eiectis, vel Dacis repressis, illustre nomen ad posteros dedere, tua arma inuictæ quæque gentes sensere. Barbarus Scythes nūquam castra tuis castris ausus est opponere: inquieti Daci imperium tuum acceptauerunt, & æquissimo perferunt animo. Moldauo tot victorijs insolenti & effrenato, non solum victoriæ confessionem expressisti, sed multatum etiam principatu maximo, mācipium ex tanto bellatore reddidisti. Quid? nonne Turcus tuos successus habens suspectos, quamuis ire obuiam illis sæpè cuperet, nostra tamen arma semper declinauit? Nouit Austriacus, cum inflato & ambitioso spiritu, Regnū Polonię inuasisset, paratam sibi prædam & expositam intelligens, quantis opibus, cum maxima gentis labe fuisset euersus. Sed nec Sudermanus, infido animo in bellum contra suum Principem actus, expers esse potest tantæ tuę virtutis, qua se, tot iam rebus ademptis, omni spe potiundæ in posterum Liouoniæ deturbatum, tantum non desperare sua coëgisti.

Nam

Nam qui modò in luce ditionis Polonicæ, cum summa virium suarum iactantia versatus est, is nunc in ultimas Sueciæ latebras fugatus. ex bello nullum alium fructū, nisi ignominia & temeritatis (quando sic rem cecidisse videt) refert, & ideo delendæ tantæ maculæ, & abolendi tam insignis in suum Regem sceleris, omnes vias animo rimatur. Quod est igitur militiae genus? quæ belli gerendi ratio? quæ arma tibi incognita? præsertim tot ex inuictis populis, partis victorijs, felicitàte nunquam interpolata. Nullus iam hostis Polonis potest esse terribilis, tot veteranis militibus, sub tam insigni Magistro militiae stipendia emeritis, & ad omnes subitos motus animo obfirmatis. Maiores nostri, nullo diutius cum hoste, maiore varietate fortunæ, sapius signa contulere, quam cum Crucigeris Theutonici nominis, sed hic hostis quamvis potens, tamen domesticus fuit, ideoque nostris non multum formidabilis: at quos nunc ab omni parte Poloniae hostes pertulimus, cum illis neque armorum, neque belli commercio fuimus coniuncti. Quæ res tantam Imperatoribus adfert difficultatem, ut quæ à te nunc perfecta sunt, non possunt non videri incredibili prudentia & in rebus agendis insigni industria & dexteritate esse perfecta. Nam & bellorum & hostium varietate, & pugnarum numero, omnes singulis ætatibus claros in Polonia belli Duces vicisti. Nihil habet aduersarius, quod in ullare, à te pro Reipub: salute & dignitate gesta, sed maximè in hoc Liuonico tumultu, quem hostis Regni, per om-

nes prouinciæ partes, tanquã calamitosa quædam tem-
peſtas peſtiſq; excitauerat, reprehendere aut impuden-
ter poſſit carpere. Quod vt intelligant omnes, repe-
tam ab initio imminetia noſtris rebus pericula, quæ
ſi vnquam ex alio vlllo, certè ex hoc præcipuè bello,
tanquam Hydra Lernæa, ſcaturiebant, quæ tu vtique
nullo ferè ſanguine fuſo, nulla notabili pernecie mili-
tum, ab incolarum huius inclyti Regni ſalute, fortunis,
iſſis denique ceruicibus ciuium depuliſti. Cùm enim
perpenderes (quo es ſubodorandi cuncta Reipub: im-
minetia ingenio) belli illius molem maiore eſſe, quàm
vt vnius Ducis, & quidem tranſmarini opibus, & inge-
nio queat adminiſtrari, veniſti in eam coniecturam fa-
cilè, omnes ciuitates, omnes vrbes, omnes illi vicinas
regiones, nobis propter amplitudinem rerum à te ge-
ſtarum, & Religionem infeſtas, in hoc tãquam ſacrum
bellum, ſuas fortunas atque auxilia, ex omni hominum
genere contracta, contuliſſe. Errat enim, vehemèterq;
fallitur, quiſquis putat, Carolum non antè omnia ſe-
cum mente peregiſſe, quàm ad id, quod diu inquietus
& Regni ſitiens animus parturiebat, proſiliret. Cerne-
bat animo, quantam viciffitudinem Religio, quæ tot
ſæcula deprauatos mores in Suecia alebat, eſſet paſſu-
ra, ſi frequenti Sereniſſimi & Chriſtianiſſimi REGIS in
Sueciam aduentu, viri non minus docti, quàm Catho-
lici, ſædos circa Dei cultum ritus, animis multitudinis
euellerent, ſibiq; aditum & ſemitam ad recuperandas
cum ampliffimis Sacerdotijs Eccleſias, ab iniquis &
male

malæ fidei possessoribus, tamdiu interceptas & detentatas patefacerent. Hinc verò non solum Sueticæ, sed omnium finitimorum Regnorum nobilitati, tantus iniectus est metus, vt ad maximum nouandarum rerum consensum, nihil vltra requirendum foret, Dux se modò aliquis ostenderet, qui publicam Religionis causam propugnandam prius susciperet, quàm multitudo, vel in omnibus imitari suos Principes sueta, moueretur. Certè enim plebs, sicut natura maris per se immobilis est, vt venti & auræ cient, ita procellosa. Inter has porrò curas, angebat etiam non parui momenti illa, quòd Regia soboles, in spem successionis, Polonicis moribus educaretur, affectum cum Religione à primis crepundijs hauustum, nunquam postea in hanc gentem, hancq; Rempub: omissura. Hoc enim naturam non obscurè vnicuique indidisse cernimus, vt natali solo velit cupiatq; quàm maximè. Adiecit stimulos cupiditas propagandi cum imperio nominis, obiectis tot magnificis spebus, quæ ex Liuoniæ ad Regnum Sueciæ accessione, ostentabantur. Adhæc Liuones nunquam sui fuisse dissimiles, nempe quibus semper ex fortuna penderet fides, ideoq; nobis occultè inimicos, sibi amicissimos. Qua opportunitate vtī ratus, præpropere classem, quàm ornatissimam & maximam potest, instruit, in eamq; milite, cum omni impedimentorum & commeatus genere imposito, sine nuntio, sine fama, sine rumore, indicta causa, Liuoniam inuadit, & quàm longè, lateque potest infestis armis populatur, obuia quæque

quæque expugnans, terrore omnia complet, arces, quibus regio & arte, & natura loci perquam munitissimis frequens est, aut desertas occupat, aut proditas recipit, præfidiisq; in singulas impositis ex voto, tanquam Annibal in Campaniæ, sic ille in Liunioniæ secessu, deliciatur. Cernere erat, in subita consternatione, quantum valeret celeritas, quæ tanquam aquarum vis, ni aggerem obijcias, euagatur spaciosius, lateque dat exitium. Non dico quid acciderit, eorum enim præcipuè culpa, quos incendium hoc proximè sequebatur, putandum est accidisse, qui ex otio, securitate nimia improuidi, cum debuissent, non satis in tempore, suæ commissis fidei succurrerunt. Nostra verò quæ ibi ad præsidia Castellorum agebat nobilitas, quæcunque in potestatem hostis venit, omnes intolerandos patientiæ humanæ cruciatus, quos modò inhumana superbia, & insolens crudelitas edere potuit, est perpeffa. Porro in eos, qui Romanam Ecclesiam sacrorum omnium sedem ac caput agnoscunt, vsque adeò sauitum est, vt eorum ploratus in Polonia exaudirentur. Ad nuntium tantæ impressionis, cum cæteri vel periculum propter suam securitatem non intelligerent, vel ijs, quæ ex Liunia nuntiarentur, fidem abrogarent, tu Magne Zamosci, primus aures arrexisti, & quasi bonus gubernator, de coelo tempestati seruatiæ adesse iam tempus perspexisti. Ad quam auertendam non incantationibus, quæ timidam curiositatem, sed virtute, quæ generosum arguit animum, vti decreuisti. Nam legionibus

nibus veteranorum ex Dacia deductis, delectuque iu-
uentutis per agros raptim habito, & sacramento à Ty-
ronibus exacto, quàm maximis licuit itineribus, ad ho-
stem contendisti, & famam etiam prægressus, in Lio-
niam venisti. Non dicam hoc tuum iter, quo hominum
concurfu, ex omnibus locis ad te confluentium, est ce-
lebratum: Ibas enim inter vota ac preces, fama; ipsa
bellum conficiebas, cùm vniuersi Deum precaremur,
vt tibi faustum iter, felixq; pugna, matura ex hostibus
victoria, eueniret. vt te post paucos dies, ouantem vi-
ctoria, reducem in patria videremus, vt tibi talis trium-
phus contingeret, quo cæterorū omnium memoriam,
quos aliquando reportasti, adæquares. Quæ studia
profectò remorari quēuis possent, & ocissimè euntem,
hæc tamē tu nunquam in teipso pluris, quàm Rempub:
fecisti, non ad blandas assentationes: sed ad opera vir-
tutis ardua & operosa genitus. Quibus quidem tractā-
dis & efficiendis, haud aptus fuisses, si non ad omnia
summa & incredibilia, heroica tuæ mentis indoles te
finxisset. Venisti igitur, & hostis consilia, quàm euen-
tum haberent, occupasti; sed non sine animi tui mole-
stia maxima, quòd priusquā exercitus in vnum locum
contraheretur, & machinæ, tormenta; bellica aduecta
sint, prior æstas se circumegisset, frumento ex omnibus
pagis, partim ad hostes comportato, partim in cryptis
subterraneis abdito, & pabulo omni propemodū cor-
rupto. Cuperem perpenderēt secum, quos domus ab
omni rerum copia nusquam dimisit, & fames miserrī-

mum calamitatis genus, quodq; feras etiam in rabiem agit, ne attigit quidem, quantæ patientiæ exempla miles, integris in Liuonia hybernis edidisset. Pyrrhus quondam Epyrotarum Rex bellicosissimus, patientiam Romanorum militum & magnitudinē animi miratus, exclamasse dicitur : O quàm facilè fuit, vel Romanos me duce, vel me Romanis militibus, de totius orbis imperio contendere : at hic ipse miles non multis elapsis sæculis, Iulio Cæsari cōmeatum procrastinanti conuiuium grande fecit, tantumq; manus non attulit. Quid simile in nostris militibus, & in nostro Duce, cuius quanta sit moderatio & prudentia, tumultus hucusq; nunquam auditus, decimationes ne cognitæ quidem, testes esse possunt : quorū malorum summi etiam belli duces haud erant immunes. Age verò hyemis quantam illa regio fert inclementiam, quis hominum tãtam sine tecto, sine lare, sine foco pertulerit ? pertulerunt nostri milites. Videor mihi videre grauius certamen, & acerbiores luctus nostrorū militum, cum ingenti frigoris vi, quàm olim exercitui Hannibalis in transitu Alpium, fuisset. Quid enim simile niues Alpinae cum glacie Liuonica habent ? Hæc utique quanta virtute milites, amore patriæ inflāmati vicerunt ? Nemo questus est sibi perusta membra, quamuis niue ac gelu rigerent. Nemo ab igne remedium quæsiuit, quamuis illuie ac squallore enectus. O inuictam patientiam ! ô virtutem indefatigabilem ! Estne verisimile, aliquid eiusmodi viris obsistere posse, quos neq; fames, neque frigora

frigora à proposito in patriam amore auerterunt. Muriné, aut arma, aut propugnacula erunt tam firma, quæ tanto animi & corporis robori queant opponi? Rex Alexander generosi homo spiritus, suos milites his verbis ad virtutem acuere solitus est. Nihil tam altè posuisse naturam, quò virtus euadere non posset: At hoc milites nostri, exemplis & rebus meliùs præstant, nec sui ducis, nisi nutum desiderant: Laconicum illud semper in ore habentes: Nos iuuenes sumus & fortes, idque si libet experiamini. Enimuerò quomodo boni milites esse possunt, nisi adsit qui regat optimus? Nam certè nisi ducem optimè in patriam animatū miles intelligat, quî ipse suscipere periculum, & aggredi pro patria volet? Sed Imperatoris & militum harmonia, tantum habet ad res perficiendas momenti, vt nullum tam validum sit imperium, nullæ vrbes tam inexpugnabiles, nulli tam potentes Tyranni, nullæ vires, quæ non succumbant, aut cedant, tanquam fato ingruenti. Non possum cùm hæc cōmemoro, tamen non commoueri, cùm audio tantam in equis & iumentis nostros cladem accepisse, quanta nescio an vllò in bello accepta sit: quam vtiq; illi modò non ingratum præstarent patriæ obsequium; alto & excelso animo contempserunt, digni equidem, quos pro eorum in Rempub: studio, omnia præmia consequatur: vt qui ab Imperatore suo, ne morte quidem tantum abest damnis auellerentur. Non eam fidem Sylla Romani exercitus expertus fuit Orchomeni; sed nostrorum fides, nunquam Impetato-

ribus suis nutauit, quod ingeniis militum, an felicità-
ducum sit tribuendū relinquo in medio. Illud latet cer-
tè neminem, singulari te Magne Zamosci, tractandi &
emolliendi feroces, & contumaces militum spiritus,
arte præditum esse, qua Vlysi etiam ipsi, atq; Nestori
videris exequandus. Quoties enim militum coitiones
periculo plenissimas, verbo ne dicam nutu dissipasti?
Quoties à seditione ad obsequium retraxisti? Ingens
hæc est, & nescio an vlla maxima virtus Imperatoris,
quam in Germanico suo Tyberium Principum Roma-
norum prudentissimum, desiderasse accepimus. Totam
ego amor tuo acceptam fero, namque nisi esses ama-
bilis, hanc authoritatem, ne maximis quidem in mili-
tes meritis parare tibi potuisses. Multis Imperato-
ribus solus amor militum & victoriam ex hostibus de-
dit & imperium asseruit, at tu hac in parte nequaquam
illis es concessurus. Nescio enim an vnquam alibi ma-
gis amor militū in te, quàm in Liuonia valuit: Namq;
licèt ab omni rerum inopia essent irritati, tot tamen
arces, castella, propugnacula, ab his expugnata quis
non singulari illorum in te amoris tribuat? Recupera-
tam incredibili virtute & magnitudine animi Liuoni-
am, iuri suo restitutos omnes incolas, nonné amor lo-
quitur? Magnum Hannibal amorem sui exercitus, &
quidem ex diuersis contracti gentibus, concordiam ra-
rò tuentibus; cùm Alpes perforaret, & montibus bel-
lum inferret, approbavit: at nostro exercitui, tui Prin-
cipis, & patriæ amore deuincto, arces munitissimæ &
hostium

hostium præsidij tutæ, commeatu in longum tempus instructæ, Punicis etiam ingenijs fretæ, resistere hæud potuerunt, quamuis cum ipsa rerum natura esset pugnatum. Tanta enim opera, tamque subitò sunt perfecta, quanta vix ullus alius adeò breui & alieno tempore, nisi Polonus miles perfecisset. Non tantum Alexandro Tyrus & Scipioni Carthago oppugnata negotij dedere, quamuis terra mariq; res gereretur, quantum tu apud Cochenhausum, Veseburgum, Felinum, Bialocamenum difficultatum & periculorum exhauseras. Hic enim verissimè illud dici docuisti: Quæ naturâ impedita sunt, consiliū & virtus expediūt. Namq; nisi Imperatorijs artibus, hic essent gesta singula, nisi prudētia in omni re valuisset, nisi cōsilio omnia fuissent administrata, diutius ibidem quàm olim ad Troiam, & propter propugnantium dexteritatem, & loci ingenium, fuisset nostris perferenda obsidio. Quis enim crederet, ad Bialocamenum natura aditum negante, milites nostros peruasuros? peruasurunt nihilominus, à te itinere inuento. Celebratur opus Traiani per Istrum: de tuis verò operibus, quæ ibi monimenta rerum à te gestarum extabunt, sempiterna, posteritas conticescet? Mitto superadum nostris fuisse locum vligine profunda, ad gradum instabilem, procedētibus lubricum, graui cæno tenacem, paludibus refertum; huius-tu voragine, non arboribus, sed syluis iniectis expleuisti, & pontibus superstratis, naturam etiam industria vinci posse ostendisti. Cernere ibi licuit, incredibilem mili-

tum gnavitatem, æmulationem incomparabilem, certamen cum hostibus dextrè propugnātibus maximum, mortis contemptum, inter telorum & iaculorum nimbos obstinatum: cū alijs forti potiundi desiderio, quod semel essent aggressi, in vulnera ac ferrum, tantquā cœci furore ruerēt, alij in gratiā Ducis, ubiq; præsentis virtutis cuiusq; spectatoris, equis desilirent, & peditum alis se immiscerent, ne tribunis quidem militum à discrimine & periculo feriat. Adeo nullus fuit, cuius virtus per vulnera non ad immortalitatem tenderet, quæ multo etiam magis interitu honesto solet virefcere, tantum abest ut marcescat. Cessare ergo virtuti obfessi, seq; cum arce dedidēre, nec tam munitum quicquam fuit, quod periuris satis tutum receptum daret: nec usquam magis quadrat illud Homericum: Successu mala facta carent, celerem quoq; tardus Assequitur sortem vindex. Nolo de infinitis clementiæ & humanitatis tuæ in victos exemplis, orationem instituere. Nemo est enim, qui te Christiani sanguinis vnquam sitientem fuisse audeat profiteri, cū etiam iusta bella abhorreas, & prius omnia consilio quàm armis experiri studeas, quod vel in hoc bello nemini obscurū esse potest. Siquidem omnes captiuos, quantum Reipub: rationes ferebant, Penatibus suis, & quidem Pyrrhi more reddidisti, omnibus veniā, sine vllō deprecatore concessisti, nulli ne minimum quidem mortis metum obiecisti. Quod equidem qui facit, non summis viris comparandus est, sed simillimus Deo iudicandus.

candus. Cùm itaque sis iam tantus, vt nemo tecum, non solùm bellica, sed etiam togata laude, queat certare, cùm (inquam) sis virtute, fortuna, gloria, rebus gestis amplissimus, eritné quispiam tam agrestis, tamq; inhumanus, qui non ex animo tuæ immortalitati faueat? Certè quamuis vellet, non erit tamen, tam immemor posteritas, non erunt tam ingrata litteræ, quin rerum à te gestarum gloriam sempiterna memoria prosequantur. Euasimus sæpenumerò tuo beneficio, studio, amore, grauem temporum maculam, quo nomine tibi gratulamur, nobis verò gaudemus. Heroica tua facta, quorum amplitudine, id iam consequutus esse videris, vt te remotissimæ etiam gentes ament, & suspiciant, non trophæis, statuis, monumentis, quæ singula conficit vetustas, decorabimus, sed fastis ad omnem æternitatem inscribemus, carminibus, panægyricis ad posteritatis memoriam transmittemus. felicem patriam, quamdiu te saluo & incolumi gaudebit, miseram, quando carebit, dicemus. Nam quod viuis, quod viges, id vitale ipsi est: Nunquā satis illi viues, etiamsi omnia sæcula impleueris. Viue proinde decus patriæ, vindex Reipub: dignitatis, assertor Sarmaticæ gloriæ. Oramus Deum, vt te, tuumque filiolum, summa spe, summoque ingenio puerum, ad gloriam patriæ magis ac magis amplificandā feliciter conferuet, vt ab his malis recreata, in desideratā, tuisque sudoribus parta quiete, diu læta conquiescat.



FF. 1. 51

Biblioteka Jagellońska



stdr0006241

